

ՊԱՎԼԻԿՅԱՆ ՇԱՐԺՄԱՆ ՎԵՐԱԳՆԱՀԱՏՄԱՆ ՀԱՐՑԻ ՇՈՒՐՋ

Փիլ. գիտ. դոկտոր Կ. Ա. ՄԻՐՈՒՄՅԱՆ

Աղանդավորական շարժումները միշտ էլ գտնվել են գիտնականների և հասարակական գիտակցության ուշադրության կենտրոնում: Այն պատմական երևույթ է, ուստի աղանդների պատմության ուսումնասիրությունը ոչ միայն ճանաչողական, այլև արդիական նշանակություն ունի:

Հայաստանում տարածված աղանդների մեջ յուրահատուկ նշանակություն ունեւր պավլիկյան շարժումը: Ընդամին, հետազոտողները հիմնականում առաջնորդվել են սոցիոլոգիական սկզբունքներով: Խորհրդային շրջանի հայ պատմաբանները պավլիկյան շարժումը գիտում էին և՛ որպես դասակարգային, և՛ որպես ազգային-ազատագրական պայքարի արտահայտություն, շնկատելով այդ գնահատականների ներքին հակասականությունը: Սյուս կողմից, օտարազգի մասնագետները պավլիկյանությունը քննարկում էին Էյոզանդիայի (իմա՝ համաշխարհային) պատմության տեսանկյունից, իսկ հայ գիտնականները այն գերազանցապես դիտում էին որպես հայ իրականության ծնունդ: Երկու մոտեցումներն էլ իրական հիմքեր ունեն: Այլ հարց է, որ դրանցից ոչ մեկը չի կարող բացարձակ համարվել, քանզի երկուսն էլ վերաբերում են միևնույն պատմական երևույթի տարբեր կողմերին: Ընդ որում, թեև հայ գիտնականները ջանում են պավլիկյան շարժմանը ազգային-ազատագրական պայքարի բնույթ հաղորդել, այնուհանդերձ դա կատարվում է սոցիոլոգիական մեթոդաբանության շրջանակներում: Այլ կերպ ասած՝ ազգային խնդրակարգը զրկվում է ինքնուրույն նշանակությունից և ենթարկվում հասարակականին կամ այդ երկու հարթությունները դիտվում են իբրև: նույնական, ինչը հետազոտական պրակտիկայում հաճախ հանգեցնում է թե՛ հասկացությունների, թե՛ հետազոտական հարթությունների նենգափոխմանը: Մինչդեռ ազգայինը և հասարակականը պատմության բնթացքում միշտ չէ որ համընկնում են ծավալի և բովանդակության առումով և միշտ չէ որ ազգայինը ենթարկվում է հասարակականին: Իրական պատմության մեջ դրանք երբեմն փոխվում են իրենց տեղերով, այսինքն՝ ազգայինը որոշիչ նշանակություն է ձեռք բերում:

Վերջերս փորձ է արվել պավլիկյան շարժումը քննարկել մի այլ մեթոդաբանական համադրությի՝ ազգային կեցության տեսանկյունից: Եթե սոցիոլոգիական մեթոդաբանությունը խարսխված է հասարակություն և հասարակական կեցություն հասկացությունների վրա (որը ենթադրում է իրական հասարակության և սեփական պետականության գոյությունը), ապա նոր մոտեցման դեպքում իբրև այդպիսին դիտվում են ազգ և ազգային կեցություն հասկացությունները (որն արդեն ենթադրում է պետականության և քաղաքական իմաստով հասարակության բացակայություն): Ընդամին, դա բնավ չի նշանակում հասարակական գործոնի անտեսում: Խոսքն այն մասին է, որ որոշ դեպքերում ազգային գործոնը մղվում է առաջին պլան, ինչը պետք է իր արտացոլումը գտնի նաև մեթոդաբանական դիրքորոշման մակարդակում<sup>1</sup>:

Սոցիոլոգիական մեթոդների, մասնավորապես, դասակարգային պարարի տեսության բացարձակացումն ու դոգմատիզացիան հանգեցրին

1 Տե՛ս Կ. Ա. Միրումյան. Պավլիկյան շարժումը ազգային կեցության համատեքստում. — Հայ իմաստասիրությունը հոգևոր մշակույթի համակարգում. սրակ 2, Երևան, 1995, էջ 49—72:

պավլիկյան շարժման մի շարք առանձնահատկությունների, այդ պատճառով կան երևույթի բովանդակության իրական փոփոխությունների, պավլիկյանների և բյուզանդական կառավարության ու արաբական խալիֆայության փոխհարաբերությունների մեջ տեղի ունեցած տեղաշարժերի անտեսմանը կամ ոչ համարժեք ընկալմանն ու գնահատմանը: Դրա պատճառներից մեկն արև էր, որ նշված մեթոդներն ու սկզբունքները հետազոտողները ձգտում էին միանշանակ կիրառել շարժման բոլոր փուլերի նկատմամբ, որպես համապարփակ մեթոդաբանական զինանոց: Ընդամենը, որպես մեկնակետային հետազոտական կաղապար և շահանիշ դիտվում էր շարժման վերջին փուլը:

Նույն հողվածում այլընտրանքային մեթոդաբանական դիրքերից քրննարկվում են պավլիկյան շարժման հետ կապված մի քանի հարցեր, ինչը, մեր կարծիքով, կօգնի սրոշակի ճշգրտումներ մտցնել պավլիկյան շարժման մասին մեր պատկերացումների մեջ: Խոսքը վերաբերում է հիմնականում առկա սկզբնաղբյուրների և գիտական հետազոտությունների նորովի «րնթերցմանն» ու մեկնաբանությանը:

Պավլիկյան աղանդը ծագել է Հայաստանի արևմտյան (հոմեակական) մասում: VII դարի կեսերին այն վերածվեց ինքնուրույն շարժման, տարածվելով նաև փոքրասիական մարզերում: Շարժման տարածմանը ղգալիորեն նպաստել են հետևյալ հանգամանքները. Արևելահոմեակական կայսրության թուլացումը, կայսեր իշխանության սոցիալական հիմքի նվազումը, ռազմաքաղաքական հզորության, տնտեսության և հասարակական կյանքի մյուս ոլորտների անկումը, կենտրոնախույս միտումների ուժեղացումը և այլն, որոնք պայմանավորված էին թե՛ արտաքին ներխուժումներով, թե՛ ներքին ճգնաժամով: Այդ ամենը, մյուս կողմից, հանգեցրեց սոցիալական հակասությունների սրմանը, մասնավորապես, աշխարհիկ և հոգևոր իշխանությունների դեմ ուղղված բողոքի զանազան խմորումների: Վերջին հանգամանքը ընդլայնեց պավլիկյան շարժման սոցիալական բազան, այդ թվում նաև էթնիկ այլ տարրերի հաշվին, այն վերածելով բազմազգ շարժման՝ հայկական էթնոսի գերիշխանությանը: Նշված հանգամանքները միաժամանակ շարժմանը հաղորդեցին ընդգծված սոցիալական ուղղվածություն:

VII դարի երկրորդ կեսին կայսրությունը ամեն կերպ ջանում էր կասեցնել աղանդի տարածումը՝ դիմելով նաև բռնի միջոցների, ինչը առավել կամայկերպված բնույթ ստացավ VIII դարի սկզբներին և հատկապես Ֆիլիպպիկոս-Վարդան կայսեր (711—713) օրոք: Վերջինս, Թեոփանես Խոստովանողի հաղորդման համաձայն, «արտաքսեց հայերին իր երկրից և ստիպեց բնակվել Մեդիտեանում և Չորրորդ Հայքում»<sup>2</sup>: Այս տեղեկության մեջ սրոշակի ճշգրտումներ է մտցնում Միքայել Ասորին. «Հոմեակացիների կայսր Ֆիլիպպիկոսը իր երկրից վտարեց հայերին: Նրանք դուրս գալով փախչում են տաճիկների (իմա՝ արաբների) մոտ, որոնք նրանց բնակեցնում են Մեդիտեանում և նրա շրջակայքում, ինչպես և Չորրորդ Հայքում: Հայերը շատ բազմանալով, ամրանում են այս վայրերում, դառնալով տաճիկների թագավորության օգնականները և հոմեակացիների կայսրության հակառակորդները (ընդգծումն իմն է—Կ. Մ.)»<sup>3</sup>:

Հր. Բարթիկյանը աղբյուրներում հիշատակված «հայերին» իրավամբ նույնացնում է հայ պավլիկյանների հետ<sup>4</sup>:

Բյուզանդական աղբյուրների տեղեկությունները հաստատվում են նաև հայկական աղբյուրներով: Այսպես, կաթողիկոս Հովհան Օձնեցու (717—

<sup>2</sup> Թեոփանես Խոստովանող. Ժամանակագրություն. թարգմ. բնադրիտ. առաջ. և ծանոթ. Հր. Բարթիկյանի. Երևան, 1983, էջ 94:

<sup>3</sup> Մեջբերումն րոտ՝ Թեոփանես, ծան. 523:

<sup>4</sup> Տե՛ս Բ. Մ. Բարթիկյան. К вопросу о павликянском движении в Византии в первой половине VIII в.—ВВ, т. VIII, М., 1956, с. 127; նույնի՝ Источники для изучения истории павликянского движения. Ереван, 1961, с. 34:

728) վկայություններ, եթե սկզբնական շրջանում կայսրության կողմից հայաժողովու պավլիկյանները թարնվում էին արաբներից, ապա VIII դարի սկզբներին նրանք «դաշնակից լինելով բռնակալաց կրճատելոյ» «ի դարանամտութեանն իրենանց սողեալ յորջից՝ յաշխարհամէջս և ի ժողովրդարնակս համարձակեցան յարձակել տեղիս»<sup>5</sup>:

Այս տեղեկություններից հետևում է, որ VII—VIII դդ. սահմանագլխին կայսրության կողմից հայաժողովու հայ պավլիկյանները ապաստանում էին Արևելյան (արաբական) Հայաստանում գաղտնի: Երկրորդ՝ Ֆիլիպպիկոս՝ Արդան կայսրը կազմակերպեց հայ պավլիկյանների առաջին զանգվածային ահաբեկությունը՝ քարոզելով պավլիկյաններին ոչ թե կայսրը տեղավորեց Մեջիտենում և Չորրորդ Հայքում, այլ արաբական իշխանությունները, դրանով իսկ ստեղծելով հակաբյուզանդական պատենշ: Չորրորդ՝ VIII դարի երկրորդ տասնամյակի կեսերին դաշինք կնքվեց արաբների և պավլիկյանների միջև, որի հետևանքով վերջիններս դարձան կայսրության կատաղի թշնամիներ:

Ամենայն հավանականությամբ հենց այս ժամանակաշրջանում էլ պավլիկյանությունը ձեռք է բերում նաև ռազմական բնույթ, վերածվելով ռազմաքաղաքական գործոնի: Հակառակ պարագայում պավլիկյանները դժվար թե կարողանային կատարել սահմանի պաշտպանության պարտականությունները: Արաբաբյուզանդական ռազմաքաղաքական առձակատման պայմաններում այդ միջոցառումները ամրապնդում էին խալիֆայության և թուլացնում կայսրության առանց այդ էլ խարխուլ դիրքերը:

Այնուհանդերձ պավլիկյան աղանդը Արևելյան Հայաստանում չվերածվեց դանգվածային շարժման, ինչը բազմաոլորում է ո՛չ միայն և ո՛չ այնքան արարների վարած ֆաղափականությամբ, որքան կայսրերի ֆաղափականություն փոփոխությամբ:

VIII դարի 20-ական թթ. Աստուրացի (717—741) արմատապես փոխում է իր քաղաքականությունը պավլիկյանների նկատմամբ: Այդ շրջադարձի հիմնական պատճառներից մեկն այն էր, որ եկեղեցին շարունակում էր ձգտել ոչ միայն անկախության, այլև գերիշխանության: Բացի այդ, նախորդ շրջանում եկեղեցին, ի տարբերություն մյուս հասարակական հաստատությունների և խավերի, նյութական առումով ոչ միայն չէր տուժել, այլ հակառակը՝ հզորացել էր: Աստուրացի, որ կայսրեր իշխանության ամրապնդման, եկեղեցին իրեն ենթարկելու, ներպետական և ռազմաքաղաքական խնդիրների լուծման համար անհրաժեշտ է լայն սոցիալական բազա ունենալ:

Ստեղծված իրավիճակը և հիշյալ խնդրակարգի կարևորության գիտակցումը պահանջում էին երկրի բոլոր ուժերի, հասարակության բոլոր խավերի ակտիվացում, իսկ դրա համար «անհրաժեշտ էր հիրավի համակայսերական նշանակություն ունեցող գաղափարաքաղաքական գործողություն, որ հասկանալի էր հակաբյուզանդական ամենալայն խավերին...: Խնդրի լուծումը կայսրերը տեսան պատկերամարտության մեջ, որը դարձավ երկրի բոլոր ուժերի և՛ սահմանադատման, և՛ համախմբման միջոցը»<sup>6</sup>:

Պատկերամարտական տրամադրությունները ժողովրդական գիտակցության մեջ ձևավորվել էին նախորդ դարում, որպես հոգևորականության բյուզանդական եկեղեցու գործողության դեմ ուղղված սոցիալական բողոքի լուրատեսակ ձև: Միջնորդավորված ձևով այն ուղղված էր նաև կայսրեր իշխանության և հասարակական ընտրախավի դեմ: Աստուրացի և նրա հետևորդները դրա մեջ տեսան կայսր սոցիալական հենարանի ընդլայնման, իշխանության հզորացման և գաղափարական հիմնավորման միջոց: Նրանք կա-

<sup>5</sup> Յովհաննու Իմաստասիրի Ամենցույ Մատենագրութիւնք. Վենետիկ, 1834, էջ 78:

<sup>6</sup> Г. Г. Литаврин. Политическая теория в Византии с середины VII до начала XIII века.—Культура Византии. М., 1989, с. 67.

րողացան ընդհանրացնել և պարզորոշել նշված տրամադրությունները և ուղղել իրենց համար անհրաժեշտ հունով<sup>7</sup>։

Իացի այդ, պատկերամարտական տրամադրությունները մինչ այդ փորձում էին օգտագործել բանակաթեմերի գինվորական-հողատեր ընտրախավը և հոգևորականությունը մայրաքաղաքի աշխարհիկ և հոգևոր ընտրախավի դեմ պայքարում<sup>8</sup>։ Այս հանգամանքը պետք է որ խթաներ և արագացնել կայսեր դիրքորոշումը։

Միաժամանակ կայսեր ծրագիրը «ազգային համերաշխության» (ի տարբերություն հունա-հռոմեական ունիվերսալիստական գաղափարի), ճնշված և ընչազուրկ խավերի պաշտպանության, քաղաքի և գյուղի ռազմականացման, «ազգային և քրիստոնեական հայրենասիրության միավորման» հենքի վրա կոչված էր միավորել կայսրության ջանքերը արաբական վտանգի խափանման համար<sup>9</sup>։ Այսինքն՝ Լևոն III-ը պատկերամարտության հաղորդեց համաքաղաքական ստրատեգիական ծրագրի, պետական պաշտոնական գաղափարախոսության բնույթ և կարգավիճակ։

Անշուշտ, կայսեր պատկերամարտական քաղաքականությունը սյետ 1 տարբերել թե՛ զանգվածային, թե՛ իշխող որոշ խավերի պատկերամարտությունից։ Հասարակական լայն խավերի մոտ այն ձևավորվել էր տարբերակներին, կրոնադավանաբանական և սոցիալական միտվածություն ուներ, իսկ հասարակական զարգացման (իդեալի) առումով ուղղված էր դեպի պատմական անցյալը՝ վաղ քրիստոնեական համայնքների շրջանը, որը սլատկերասլաշտություն չգիտեր։ Իշխող առանձին խմբերի համար պատկերամարտությունը քաղաքական գերիշխանության հասնելու միջոց էր, կոնկրետ կուսակցական նպատակների էր ծառայում և վերաբերում էր ներկա իրադրությանը։ Կայսեր համար այն ստացավ ամբողջական պետական-քաղաքական նշանակություն, որի խնդիրն էր արմատապես վերափոխել հասարակական և պետական կյանքը և ուղղված էր դեպի ապագան։

Այսինքն՝ կայսեր քաղաքականությունը համադրական բնույթի շնորհիվ պատկերամարտական տրամադրությունները նպատակաուղղված զարգացում ստացան։ Միաժամանակ դա ընդհանուր գաղափարական դաշտ ստեղծեց թե՛ կայսեր և հասարակական լայն խավերի, թե՛ կայսեր և առանձին իշխող խմբերի միջև «երկխոսության» համար։ Ուստի, թեև ճիշտ է պատկերամարտության նշված ձևերի առանձնացումը, սակայն դա բավարար հիմք չի տալիս դրանք հակադրելու համար։

Պատկերամարտությունը պավլիկյան գաղափարախոսության հիմնարար տարրերից էր հատկապես շարժման սկզբնական փուլում։ Հովհան Օձնեցին վկայում է, որ աղանդը կրոնագաղափարական առումով ևս զարգացման տարբեր փուլեր է անցել. «Ի պատկերամարտություն է ի խաչամարտություն և ի քրիստոսատեցություն, և անտուստ յանաստուածություն և ի դիւապաշտութիւն»<sup>10</sup>։ Թվում է, որ հենց պավլիկյան աղանդի պատկերամարտական միտվածությունը հիմք հանդիսացավ Լևոն III-ի և շարժման առաջնորդների միջև դաշինքի կնքման համար, որն ամրապնդվեց հետագայում կայսր Կոստանդին V Կոպրոնիմոսի (741—775) օրոք։ Դաշինքի շնորհիվ բյուզանդական կայսրերը ա) շեղոքացրին պավլիկյանների վտանգը կառավարության պաշտոնական նոր կուրսի համար և հակառակորդից դարձրին դաշնակից և բ) հմտորեն օգտագործեցին նրանց ռազմական ուժերը կայսեր շահերի, մասնավորապես, կայսրության սահմանների պաշտպանության համար։ Միա-

7 Տե՛ս օրինակ Մ. Я. Сюзюмов. Первый период иконоборчества.—История Византии, т. 2, М., 1967, с. 52։

8 Տե՛ս Մ. Я. Сюзюмов. Указ. соч., с. 52—53։

9 Պատկերամարտական քաղաքականության այս կողմի մասին տե՛ս Н. Ahrweiler. L' Ideologie politique de l'Empire byzantin. P., 1975, p. 25—36; Տե՛ս նաև Г. Г. Литаврин. Указ. соч., с. 67։

10 Յովհաննու Իմաստասիրի Աւմեցեոյ Մատենագրութիւնք. Վեներիկ, 1923, էջ 34։

ժամանակ դաշինքը բարենպաստ պայմաններ ստեղծեց նաև պավլիկյանության տարածման և շարժման հզորացման համար:

Ինչ վերաբերում է արաբների և պավլիկյանների նախկին պայմանավորվածությունները, ապա պետք է նկատի ունենալ, որ նախ՝ շարժումը ծագել է Հայաստանի հոմեական մասում և հիմնականում տարածվել կայսրության մարզերում: Ուստի աղանդավորականներին առաջին հերթին հետաքրքրում էր կայսրերի, այլ ոչ թե արաբների դիրքորոշումը, քանզի վերջիններիս օգնությունը նրանք դիմում էին կայսեր հալածանքներից փրկվելու նպատակով: Երկրորդ՝ Արևելյան Հայաստանում պավլիկյանությունը չվերածվեց զանգվածային շարժման: Դրա գլխավոր պատճառներից մեկը արաբների վարած քաղաքականությունն էր: Երրորդ՝ պավլիկյան աղանդի տարածման հասար Բյուզանդիայում ավելի բարենպաստ պայմաններ կային:

IX դարի երկրորդ տասնամյակից սկսած կայսրերը վերսկսում են հալածանքները, որին պավլիկյանները պատասխանում են զինված ելույթներով: Թովմա Գազիացու ապստամբությանը գործուն մասնակցությամբ (823 թ.), Շարժումը աստիճանաբար վերաճում է բացահայտ պատերազմի: Կայսրության քաղաքականության փոփոխությունը, մեր կարծիքով, դժվար է բացատրել միայն շարժման ռազմաքաղաքական հզորացումով և բյուզանդական եկեղեցու դեմ մղած վճռական պայքարով<sup>11</sup>: Առավել ևս, որ այդ հզորացումը մեծ մասամբ վերոհիշյալ դաշինքի բնական հետևանքն էր: Ուստի՝ քաղաքական նոր շրջադարձի գլխավոր պատճառն այն էր, որ պատկերասարտության, հետևաբար, նաև պավլիկյանության առջև դրված խնդիրները հիմնականում լուծված էին: Այսինքն կայսեր շահերի տեսանկյունից այն սպառնել էր իրեն և վերածվել դեստրուկտիվ գործոնի:

Շարժման շահերը նորից համընկան խալիֆայության շահերի հետ և նրանց միջև նոր պայմանագիր կնքվեց: Սակայն դաշինքը երկար չտևեց. ինչը որոշ հետազոտողներ բացատրում են նրանով, որ իբր «պավլիկյանների արմատական գաղափարները նույնչափ վտանգավոր էին և արաբական իշխող դասակարգերի համար»<sup>12</sup>: Այսինքն՝ ենթադրվում է, որ դաշինքի խզումը կատարվել է արաբների կողմից: Մինչդեռ թուլացող խալիֆայությունը հազիվ թե ընտրության մեծ հնարավորություն ուներ. պատմությունը ցույց է տալիս, որ ո՛չ արաբները, ո՛չ էլ բյուզանդացիները չեն խորշել որևէ, այդ թվում նաև պավլիկյանների, ռազմական օժանդակությունից, անկախ դրա սոցիալական և գաղափարական ուղղվածությունից:

Իացի այդ, ինչպես հայտնի է, աղանդապետ Սերգիոսի (Սարգսի) մահից հետո (835 թ.) պավլիկյանները նոր աղանդապետ չեն ընտրում և ամբողջ իշխանությունը փաստորեն կենտրոնանում է զինված ուժերի հրամանատարի (արխանտի, սպարապետի) ձեռքում: Շարժման այդ փուլում երկիր իշխանությունը ոչ միայն ավելորդ էր, այլև վտանգավոր: Այդ փաստը, մեր կարծիքով, միաժամանակ բացահայտում է շարժման լուկ ռազմաքաղաքական բնույթը: Գաղափարական գործոնը, բնականաբար, հետին պլան է մղվում, ուստի այն չէր կարող վճռական դեր կատարել պավլիկյանների և արաբների ռազմաքաղաքական բնույթ կրող հարաբերությունների հարցում:

Թվարկած դիտողությունները, մեր կարծիքով, ավելի հավանական են վարձնում այն ենթադրությունը, որ դաշինքը չէր բավարարում նախ և առաջ պավլիկյան առաջնորդներին: Ընտիր կանոնավոր բանակի առկայությունը և փայլուն հաղթանակները նրանց պետք է հանգեցնեին քաղաքական անկախության հույսերի և սեփական պետականության ստեղծման գաղափարին, որն իրականացվեց 843 թ.: Հետևաբար, եթե խոսելու լինենք պավլիկյանության արմատականության մասին, ապա այս ժամանակահատվածում դա

<sup>11</sup> Հմմտ՝ Ե. Э. Липшиц. Очерки истории византийского общества и культуры: VIII—первая половина IX века. М.—Л., 1961, с. 159—160.

<sup>12</sup> Տե՛ս Ե. Տեր-Մինասյան. Միջնադարյան աղանդների ծագման և դարգացման պատմությունից. Երևան, 1968, էջ 137:

վերաբերում էր ոչ թե գաղափարախոսությունը, այլ գերազանցապես ռազմական ասպարեզում դրսևորած վճռականությունը:

Վերոհիշյալ փաստերը և նկատառումները արդեն իսկ ցույց են տալիս, որ պավլիկյան շարժումը շուներ և չէր կարող ազգային բնույթ ունենալ: Այդ մասին են վկայում նաև շարժման գաղափարախոսությունն ու համայնքների կառուցման տարածքային և գաղափարախոսական սկզբունքները: Այնուհանդերձ ենթադրվում էր, որ հայերի համար պավլիկյանությունը միաժամանակ ազգային-ազատագրական պայքար էր բյուզանդացիների և արաբների դեմ: Այդ կապակցությամբ հետազոտողները սովորաբար հղում են Ղևվոնդի «Պատմություն»-ը<sup>18</sup>, խոսքը 748 թ. Գրիգոր Մամիկոնյանի կազմակերպած ապստամբության և դրան պավլիկյանների «մասնակցություն» մասին է:

Այդ փաստի մեջ հայագետները տեսնում են ինչպես դասակարգային պայքարի դրսևորում, այնպես էլ արաբական լծի դեմ ազատագրական պայքարին մասնակցություն, այսինքն՝ վերագրում են և՛ դասակարգայնություն, և՛ ազգային հատկանիշներ: Իսկ ինչպե՞ս են դրսևորվում նշված հատկանիշները: Տարածված կարծիքի համաձայն պավլիկյանները, իմանալով Գրիգոր Մամիկոնյանի ապստամբության մասին, որոշում են մասնակցել դրան: Եւ այդ նպատակով անցնում են արաբա-բյուզանդական սահմանը և շարժվում դեպի Պոնտոս, որտեղ նրանք միանում են ապստամբ բանակին, ինչը, իբր, տարածայնություններ առաջացրեց ապստամբության ղեկավարության մեջ, որի հետևանքով Հայաստանի կառավարիչ և սպարապետ Աշոտ Բագրատունին իր զինակից նախարարների հետ հեռանում է ապստամբներից և վերադառնում Հայաստան<sup>19</sup>:

Իբրև տարածայնությունների և պառակտման հիմնական պատճառ մասնագետները նշում են հայ նախարարների «սարսափը» ժողովրդական պահպանության առաջ, որովհետև նրանց նպատակն էր «միայն քաղաքական անկախության նվաճումը արաբներից: Նրանք չէին ցանկանում այդ պայքարին ներգրավել լայն ժողովրդական զանգվածները, առավել ևս «հանցանքի որդիներին»՝ պավլիկյաններին, որոնցից նրանք ավելի էին սարսափում, քան արաբներից, քանզի առաջինների պայքարը կստանար շուտով դասակարգային բնույթ և կուղղվեր իրենց իսկ նախարարների դեմ»<sup>20</sup>: Ե. Տեր-Մինասյանի համաձայն հայ նախարարները սարսափում էին՝ «չլինի թե պավլիկյանների մասնակցության շնորհիվ շարժումը վերածվի ընդհանուր հակաֆեոդալական ապստամբության»<sup>21</sup>:

Նման մեկնաբանության պարագայում Գրիգոր Մամիկոնյանի ապստամբությունը հնարավոր չէ այլևս բնութագրել որպես ժողովրդական պայքար արաբական լծի դեմ: Բացի այդ, անհասկանալի է դառնում, թե սահմանափակ թվով նախարարական զորքը ինչպես էր մարտական գործողություններ վարելու խալիֆայության դեմ:

Միաժամանակ հայագետները շեն հերքում Ղևվոնդի տեղեկությունն այն մասին, որ խառնվելով ապստամբներին պավլիկյանները անմիջապես սկսում են թալանել հայրենակիցների՝ ապստամբած հայ նախարարների ունեցվածքը, այլազան բռնությունների դիմել և այլն: Եթե միջնադարյան պատմիչը իրերը կոչում է իրենց անուններով, ապա գիտնականները դրանք սրակավորում են որպես դասակարգային պայքարի ձև<sup>22</sup>: Հասկանալի է, որ

18 Պատմություն Ղևնդեայ Մեծի վարդապետի Հայոց. ՍՊԲ, 1887, էջ 123:

19 Տե՛ս Հայ ժողովրդի պատմություն. հ. 2, Երևան, 1984, էջ 397: Շրջանցելով Ղևնդի հարրգումը, որոշ հետազոտողներ գտնում են, որ Աշոտ Բագրատունին անջատվեց ապստամբներից ոչ թե Պոնտոսում, այլ Տայքում (տե՛ս, նույն տեղում, էջ 335):

20 P. M. Бартикян. Источники для изучения..., с. 47:

21 Ե. Տեր-Մինասյան, նշվ. աշխ., էջ 136:

22 Տե՛ս Հայ ժողովրդի պատմություն. հ. 2, էջ 336:

խոսքը լավ զրնված և բազմամարդ ջոկատի մասին է, քանզի հակառակ պարագայում անհասկանալի կլիներ, թե ինչպես պավլիկյաններին հաջողվեց կատարել բռնի գործողություններ և պառակտում մտցնել ապստամբության մեջ: Մյուս կողմից, ստացվում է այնպես, որ մինչև ապստամբներին միանալը՝ դա ազգային-ազատագրական պայքար էր, իսկ միանալուց հետո՝ դասակարգային:

Հարցի լուսաբանման համար կարևոր նշանակություն ունի մի փաստ ևս: Հր. Բարթիկյանը ուշադրություն է դարձրել Պետրոս Սիկիլիացու այ՝ տեղեկությունները վրա, որի համաձայն, երբ Հովսեփ-Աֆրոնիտոսը իր աշակերտներով հասնում է Պոնտոսի էպիսկոպոսի գյուղը, ապա «այդ մասին յանալուով, տեղի իշխանավորներից կրիկորակես անունով աստվածասեր մի այր բազմաթիվ զինվորներով շրջապատեց այն տունը, որտեղ սթեփաննի կր Սանիի աշակերտը: Նրա աշակերտներին նա ձերբակալեց, բայց (Հովսեփր) կարողացավ ծածուկ փախչել...»<sup>18</sup>:

Մեր կարծիքով գիտնականը իրավացի է, երբ Պետրոս Սիկիլիացու հիշատակած կրիկորակեսին նույնացնում է Գրիգոր Մամիկոնյանի հետ<sup>19</sup>, բայց դժվար է համաձայնել այն հարցում, թե տեղի է ունեցել պավլիկյանների հալածանք, որ դրանում արտահայտվել է Հայաստանի իշխող դասակարգերի ստեղծությունը հերետիկոսների նկատմամբ<sup>20</sup>:

Նախ և առաջ հարց է ծագում. իսկ ե՞րբ է Գրիգոր Մամիկոնյանը դիմում հիշատակած գործողություններին՝ մինչ պավլիկյանների միանալը ապստամբներին, թե դրանից հետո: Մեր կարծիքով դա չէր կարող տեղի ունենալ մինչ միանալը, որովհետև այդ պարագայում, այսինքն՝ «ձերբակալությանից» հետո, միացում պարզապես տեղի չէր ունենա: (Փակագծերում նշեմ, որ միայն այդ դեպքում կարող էին հավանական թվալ հայագետների պնդումները): Մնում է ընդունել, որ հիշյալ գործողությունը կատարվել է միանալուց հետո, երբ ակնհայտ դարձավ թե ինչպիսի օգնություն է ուղարկել Կոստանդին Մ կայսրը<sup>21</sup> և ապստամբության ճակատագիրը արդեն կանխորոշված էր: Հետևաբար, Գրիգոր Մամիկոնյանի կիրառած պատժամիջոցները պայմանավորված էին ոչ թե «դասակարգային» կամ «գաղափարական» ատելությամբ և նկատառումներով, այլ այն պարզ պատճառով, որ պավլիկյանները օժանդակելու փոխարեն իրականում տապալեցին մեծ դժվարություններով կազմակերպած ապստամբությունը:

Դեպի Պոնտոս պավլիկյանների «փախուստի» (748 թ.)<sup>22</sup> կապակցությունը Հր. Բարթիկյանը իրավացիորեն հարցնում է, թե «ինչո՞վ բացատրել այն փաստը, որ արաբական խալիֆայության նախկին դաշնակիցները... հանկարծ դարձան խալիֆայության կատաղի թշնամիներ»: Հարցին պատասխանելու համար, շարունակում է նա, «անհրաժեշտ է, մի կողմից հաշվի առնել խալիֆայության քաղաքականությունը հայերի նկատմամբ VIII դարի առաջին կեսերին, իսկ մյուս կողմից՝ նույն ժամանակաշրջանում Իսավրացիների հարստության ներքին քաղաքականությունը»<sup>23</sup>:

Արաբների նկատմամբ պավլիկյանների վերաբերմունքի փոփոխությունը գիտնականը բացատրում է Հայաստանի տարածքում խալիֆայության հարկային քաղաքականության խստացումով (725 թ.): «Դժվար է ենթադրել, — եզրակացնում է նա, — որ խալիֆայության այդ քաղաքականությունը չէր

18 Պետրոս Սիկիլիացու Պիտանի պատմություն.— Հայ ժողովրդի պատմության քրեատմատիս. հ. 1. Երևան, 1981, էջ 758:

19 Տե՛ս Р. М. Бартикян. Источники для изучения..., с. 48.

20 Տե՛ս նույն տեղում:

21 Որոշ հայագետներ ընդունում են Ղևոնդի հաղորդումը Գրիգոր Մամիկոնյանի և կայսեր միջև պայմանավորվածություն մասին:

22 Վերահիշյալ նկատառումների տեսանկյունից պետք է խոսել ոչ թե «փախուստի», այլ ուղևորման մասին:

23 Р. М. Бартикян. Источники для изучения..., с. 43—44.

վերաբերում աղանդավորական-պավլիկյաններին, որոնք հիմնականում գրադվում էին հողագործությամբ և անասնապահությամբ: Այն չէր կարող դիմադրություն չառաջացնել վերջինների կողմից: Եվ երբ աղանդավորական-պավլիկյանները իմացան Գրիգոր Մամիկոնյանի ապստամբության մասին արարների դեմ, նրանք փորձեցին մասնակցել այդ շարժմանը» (ընդգծումը մերն է—Կ. Մ.)<sup>24</sup>:

Մեր կարծիքով նման մեկնաբանության դեպքում ծագում են մի շարք հարցեր: Նախ՝ արդյո՞ք պավլիկյանները «հանկարծ դարձան խալիֆայության կատաղի թշնամիներ», չէ որ արդեն շուրջ երկու տասնամյակ գոյություն ունեւր դաշինք կայսրերի և պավլիկյան առաջնորդների միջև: Երկրորդ՝ 748 թ. իրադարձությունների լուսաբանման առումով առավել առաջնային նշանակություն ունեւր ոչ թե արաբական խալիֆայության, այլ կայսրության քաղաքականությունը: Երրորդ՝ մինչ այդ հայագետը ճիշտ նշում է, որ դարի սկզբներին Արևելյան Հայաստան փախած պավլիկյանները վայելում էին արաբական իշխանությունների հատուկ հովանավորությունը այն աստիճան, որ հայոց կաթողիկոսի իշխանությունը չէր տարածվում նրանց վրա<sup>25</sup>: Քանի որ, պավլիկյանները հատուկ զինվորական պարտականություն ունեւին և դիտվում էին իբրև բուֆերային ուժ, ապա հազիվ թե կարելի է ճիշտ համարել այն ենթադրությունը, որ նրանց վրա հավասարապես տարածվել է խալիֆայության հարկային նոր քաղաքականությունը: Զորրորդ՝ պահպանված սկզբնաղբյուրներում, որքան ինձ հայտնի է, տեղեկություն չկա այն մասին, որ պավլիկյան համայնքների հիմնական զբաղվածությունը եղել է հողագործությունը: Հինգերորդ՝ խալիֆայության հարկային քաղաքականությունը ծանր հետևանքներ ունեցավ Հայաստանի և հայ ժողովրդի, բայց ոչ պավլիկյանների համար: Ուստի այդ հանգամանքը ևս չէր կարող վճռական դեր խաղալ 748 թ. դեպքերի ժամանակ<sup>26</sup>:

Այսպիսով, թե՛ Ղևոնդի, թե՛ Պետրոս Սիկիլիացու և թե՛ հարակից տրվյալների քննական-համադրական վերլուծությունը վկայում է այն մասին, որ թե՛ Գրիգոր Մամիկոնյանի բանակի, թե՛ պավլիկյան ջոկատի շարժումը դեպի Պոնտոս տեղի է ունեցել Կոստանդին V կայսեր թելադրանքով, որը նույնպես ձգտում էր օգտվել խալիֆայությունում ստեղծված ծանր կացությունից: Այսինքն՝ պավլիկյանները ոչ թե իրենք են որոշել միանալ ապստամբությանը, երբ արդեն Պոնտոսում էին, այլ հասել են այնտեղ այդպատակով որպես կայսեր դաշնակիցներ:

Ապստամբությունը չծավալվեց և պարտության մատնվեց ոչ թե նախարարների «սարսափի» կամ «ատելության» կամ էլ Աշոտ Բագրատունու «դավաճանության» պատճառով, այլ այն պարզ պատճառով, որ կայսեր ռազմական օգնությունը քայքայիչ և ավերիչ դեր խաղաց: Ուստի ապստամբության ղեկավարության մեջ տարածայնությունների առաջացումը ճիշտ չէ դիտել որպես անհաջողության հիմնական պատճառ:

Այստեղից հետևում է նաև, որ ո՛չ պավլիկյանների գործողությունները, ո՛չ Գրիգոր Մամիկոնյանի ձեռնարկած պատժամիջոցները իրենց էությունով դասակարգային պայքարի հետ առնչություն չունեն:

Տավոք, գիտնականները գրեթե չեն անդրադառնում կայսրության քաղաքականությանը: Այսպես, թեև հետազոտողների զգալի մասը ընդունում է Լևոն III-ի և պավլիկյան առաջնորդների միջև կնքված դաշինքի գոյությունը, այնուհանդերձ նշված իրողությունը շրջանցվում է, եթե շասենք անտեսվում է, կայսեր և պավլիկյանների հարաբերությունների լուսաբանման ժա-

24 Նույն տեղում, էջ 46:

25 Նույն տեղում, էջ 39—40:

26 Քանի որ քննարկվող դարաշրջանում հասարակության ճնշվող մասը գերազանցապես գյուղացիությունն էր կազմում, ուստի դասակարգային պայքարի տեսության համապարփակությունը ընդգծելու համար բոլոր նման դեպքերում համարվում է, որ ընդդիմության կրողները գյուղացիներ են:



մանակ, մասնավորապես 748 թ. ապստամբություն<sup>27</sup> և 752 թ. պավլիկյան- ների տեղափոխման կապակցությամբ:

Ավիլին՝ գիտական գրականության մեջ իշխում է այն մտայնությունը, որ շարժումը ընդգծված հակաբյուզանդական բնույթ ունեւր, որ կայսերական իշխանությունները դաժան, բռնի քաղաքականություն են վարել աղան- ցավորականների նկատմամբ: Սակայն պահպանված փաստերի վերլուծու- թյունն ու մեկնաբանությունը միաժամանակ ցույց է տալիս, որ այդ ընդ- յանուր առմամբ ճիշտ տեսակետը չպետք է բացարձակապես անցնել և տարածել շարժման բոլոր փուլերի վրա:

Այսպես, հետազոտողները որպես կանոն վկայակոչում են պավլիկյան- ներին Բալկաններ տեղափոխելու փաստերը: Ընդ որում նրանք անտեսում են կայսրության գործողությունները պայմանավորող կոնկրետ պատմական և ռազմաքաղաքական գործոնները, օբյեկտիվ գրգռատճառներն ու մի- տումները: Գիտնականները բոլոր դեպքերում հակված են տեսնել հենց տե- դանառիկ այն միտքը, թե «հերետիկոսությունն արմատախիլ անելու համար» կայսրերը «հերետիկոսությամբ բռնկված ամբողջ մարզերից, հայրենի շրջան- ներից դեպի Բալկանները, մասնավորապես Ֆիլիպոպոլ քաղաքի շրջանն էին բռնի կերպով արտաքսում հերետիկոս հայերին» (ընդգծումն իմն է—Կ. Մ.)<sup>28</sup>:

Համարվում է, որ հայ պավլիկյանների զանգվածային առաջին արտաք- սումը լրագործեց Կոստանդին V Կոպրոնիմոսը 752 թ., ապա Կոստանդին VI-ր՝ 794 թ.: Հետագայում նրանց մի ստվար խումբ գաղթեցվեց Սիկիլիա, իսկ Վասիլ I կայսեր օրոք, 885 թ.՝ Իտալիա: Պավլիկյանների զանգվածային վերջին արտագաղթը, ըստ տարածված կարծիքի, տեղի է ունեցել 970 թ. Հոհան Չմշկիկ կայսեր օրոք:

Մելիտենե և Թեոդոսուպոլիս-Կարին սահմանամերձ քաղաքների հայ պավլիկյաններին Թրակիա «տեղահանման» մասին տեղեկություններ են պահպանվել թե՛ բյուզանդական, թե՛ հայկական աղբյուրներում: Թեոփանե- սը հաղորդում է, որ «նույն տարին (752 թ.) Կոստանդինը Թեոդոսուպոլիսն ու Մելիտենեն ատավ և հայերին գերի վերցրեց»: «Կոստանդին կայսրը,— ներունակում է նա,— Թեոդոսուպոլիսից ու Մելիտենեից գաղթեցրած ասորի- ներին ու հայերին Թրակիայում վերաբնակեցրեց»<sup>29</sup>:

Նիկեփոս Պատրիարքի և Գեորգ Վանականի հաղորդած տեղեկություն- ները մի շարք կարևոր լրացումներ են պարունակում, որոնք զգալիորեն օգ- նում են հիշյալ իրողության առավել ճիշտ ընկալմանը և բացատրությունը: Այսպես, ըստ Նիկեփոսի, Կոստանդինը «ներխուժում է Հայաստանի տարածքը և բնակիչների համաձայնությամբ գրավում նրա բերդերը: Նրանք հայ և ասորի քրիստոնյաներ էին: Չհանդիպելով որևէ այլազգի թշնամու և խախ- տելով երդումներով հաստատված ապահովության մասին պայմանները, նա նրանց գաղթեցնում է Թրակիայի գյուղերը» (ընդգծումներն իմն են—Կ. Մ.)<sup>31</sup>: Իսկ Գեորգ Վանականը հաղորդում է, որ կայսրը արշավում է Ասորիքի կող- մերը և «վերցնելով իր ազգականներին՝ հայ և ասորի հերետիկոսներին, Բյուզանդիոն վերաբնակեցրեց» (ընդգծումն իմն է—Կ. Մ.)<sup>32</sup>: Մի այլ տե-

27 Տե՛ս, օրինակ, Ե. Տեր-Մինասյան. Նշվ. աշխ., էջ 137:  
28 Տե՛ս Ե. Տեր-Մինասյան. Նշվ. աշխ., էջ 137:  
29 Վ. Կ. Զալոյան. Հայոց փիլիսոփայության պատմություն. Երևան, 1975, էջ 264:  
30 Թեոփանես և Խոստոմվանոզ. Ժամանակագրություն, էջ 137, 140: Տե՛ս նաև Նիկեփոս Պատրիարք. Համառոտ պատմություն.—Հայ ժողովրդի պատմության քրե- ստմատիա, հ. 1, էջ 740:  
31 Նիկեփոս Պատրիարք. Հակաճառություն ընդդեմ Կոստանդին Կոպրոնիմոսի.— Հայ ժողովրդի պատմության քրեստոմատիա, հ. 1, էջ 741: Ընդգծված բառերը Հր. Բարթիկ- յանը թարգմանում է նաև «հայ և ասորի բնակիչների օժանդակությամբ» (հայերենի լատինացումը): Տե՛ս Թեոփանես և Խոստոմվանոզ, ծան. 718:  
32 Մեջբերումն ըստ Թեոփանես և Խոստոմվանոզ, ծան. 718:

դում նա «Ասորիքի կողմերի» փոխարեն նշում է «Հայաստանի և Ասորիքի կողմերը»<sup>33</sup>:

Բյուզանդական աղբյուրների համեմատ Ղևոնդ պատմիչի հաղորդումը պարունակում է մի կարևոր երանգ: Երբ կայսրը գրավեց Կարինը, գրում է նա, «բազումք ի բնակչաց գաւառացն խնդրեալ յարեալէն, զի ընկեցնս զանուր լծոյ ծառայութեանն իսմայելի յանձանց և գնացին զկնի նորա» (րնդգծումն իմն է—Կ. Մ.)<sup>34</sup>:

Թյարկած փաստերի համեմատական վերլուծությունը թույլ է տալիս նշմարել դրանց փոխկապակցվածությունը և դրանց մեջ առկա որոշակի տրամաբանությունը: Այսպես, Թեոփանեսը լոկ դրանցում է վերոհիշյալ վայրերի գրավումը կայսեր կողմից և հայերի ու ասորիների գերևարումը, գաղթնույումը և վերաբնակեցումը: Նիկեփորը դրան ավելացնում է, որ գրավումը կատարվել է տեղի բնակիչների՝ քրիստոնյաների համաձայնությամբ և օսանուկուսությանը Գեորգ Վանականը երկու ճշտումներ է մտցնում այդ տեղեկությունների մեջ. ա) տեղի բնակիչները ոչ թե ուղղադավան քրիստոնյաներ էին, այլ հերետիկոսներ, այսինքն՝ պավլիկյաններ և բ) այդ հերետիկոսները կայսեր «ազգականներն» էին, այսինքն՝ դաշնակիցներու կամենայն համակարգությամբ Գեորգ Վանականը երկրորդ դեպքում մատնանշում է կայսեր և պավլիկյանների դաշնակից լինելու հանգամանքը: Եվ վերջապես Ղևոնդը կարծես վերջակետ է դնում ճշգրտումների տրամաբանական շղթայի մեջ. պարզվում է, որ կայսրը ոչ թե ինքնակամ է որոշել տեղափոխել պավլիկյաններին, այլ ընդառաջ է գնացել նրանց խնդրանքին:

Առաջադրած նկատառումներն ու դիտարկումները բացատրում են նաև այն հարցը, թե ինչու հայերը օժանդակեցին բյուզանդական զորքերին: Չէ՞ որ խոսքը սահմանամերձ քաղաքների և վայրերի մասին էր և արաբները հետագայում դժվար թե անպատիժ թողնեին նրանց «զավաճանություն» համար: Իրավիճակը պարզվում է, եթե նկատի ունենանք, որ խոսքը ոչ թե հայության, այլ հայ պավլիկյանների մասին է: Բյուզանդական զորքերը չէին կարող երկար պաշտպանել նվաճած տարածքը, ուստի հայ և ասորի պավլիկյաններին մնում էր խնդրել կայսրին իրենց տեղափոխել կայսրության տարածքը: Կոստանդին V-ը համաձայնվում է, բայց նրանց տեղափոխում է կայսրության ոչ թե ներքին մարզերը, այլ Թրակիս՝ կայսրության մի այլ սահման, որտեղ նրանք հիմնեցին առաջին պավլիկյան համայնքը Եվրոպայում և տարածեցին իրենց ազանդը<sup>35</sup>: Այսինքն այդ միջոցառումը կայսրը հնթարկեց պետության շահերին, նպատակ ունենալով օգտագործել պավլիկյանների զինված ուժը արևմտյան սահմանը ամրապնդելու համար:

Զի բացառվում, որ պավլիկյանների խնդրանքը կամ նախնական պայմանավորվածությունը վերաբերում էր կայսրության բուն տարածքին, սակայն ստրատեգիական, ռազմաքաղաքական և կրոնագաղափարական նկատառումներից ելնելով կայսրը փոխում է իր մտադրությունը<sup>36</sup>: Հավանաբար կայսեր դիրքորոշման փոփոխությանն են վերաբերում Նիկեփոր Պատրիարքի վերոհիշյալ խոսքերը կայսեր «երդումներով հաստատված ապահովության» պայմանների խախտման մասին<sup>37</sup>:

Հետևաբար, թե՛ պավլիկյանների օժանդակությունն ու դիմումը կայսրին, թե՛ վերջինիս համաձայնությունը միանգամայն հասկանալի է, եթե հաշվի առնենք նրանց միջև գոյություն ունեցող դաշինքը: Այսինքն՝ տեղի է ունեցել ոչ թե տեղահանում (դեպորտացիա), բլնի ակտում, այլ տեղափոխում: Մինչդեռ հետազոտողները հաճախ շփոթում են այդ հասկացությունները: Այդ մասին է վկայում նաև այն փաստը, որ «Կոստանդինն սկսեց

33 Տե՛ս նույն տեղում:  
34 Պատմութիւն Ղևոնդեայ Մեծի վարդապետի Հայոց, էջ 129:  
35 Տե՛ս Թեոփանեսու խոստովանող. Ժամանակագրություն, էջ 140:  
36 Հայտնի է, որ կայսեր «ազգակցական» վերաբերմունքը պավլիկյանների նկատմամբ դժգոհություններ առաջացրեց բյուզանդական զորքի մեջ:  
37 Տե՛ս նաև Հայ ժողովրդի պատմության քրեստոմատիա, հ. 1, էջ 741 (ծան. 4):

կառուցել թրակիայի քաղաքները, որտեղ բնակեցնում է մելիտենեցվոց քաղաքից և Թեոդոսուպոլսից գաղթեցրած ասորիներին և հայերին, սիրալիր կերպով նվիրելով նրանց կարիքներին անհրաժեշտ ամեն ինչ»<sup>38</sup>։

Այսպիսով, 752 թ. պավլիկյանների տեղափոխումը և վերաբնակեցումը Թրակիայում հայիվ թե ճիշտ է բնութագրել որպես կայսեր բռնության, հալածանքի քաղաքականության արտահայտություն, որպես բռնագաղթ, բռնի արսորում, տեղահանում։ Նշված իրողությունը ավելի ճիշտ կլինի բնութագրել որպես կայսեր և պավլիկյանների միջև կնքված դաշինքի տրամաբանական հետևանք։

Կատարած վերլուծությունն ու առաջադրած նկատումները բնավ հիմք չեն տալիս դասակարգային պայքարի թե՛ որպես տեսության, թե՛ որպես պատմական երևույթի անտեսման համար։ Խոսքն այդ տեսության բացարձականացման մասին է, որի հետևանքով մարդկության և առանձին ազգերի պատմությունը կամա թե ակամա ներկայացվում են սև ու սպիտակ գույների ոսպնյակի միջով, անտեսվում են պատմական զարգացման բազմադանոթյունն ու բազմադիմությունը, կենդանի պատմական ընթացքը ենթարկվում է նախապես տրված մտակաղապարին։

Այսու կողմից, դա խոչընդոտում է ազգային և հասարակական հարարերակցության ճիշտ ընկալմանը, քանի որ ազգայինը գրկվում է հետազոտության ինքնուրույն օբյեկտ դառնալու հնարավորությունից, բնականաբար ենթարկվելով հասարակականին։ Սակայն տեսությունն ինքնին ոչ մի մեղք չունի։ Ավելին՝ ցանկացած տեսության բացարձականացումը անհրաժեշտաբար հանգեցնում է միևնույն ճակատագրին՝ մտածողության միակողմանի կաղապարմանը։

Այլ կերպ ասած, սույն հոդվածի հիմնական նպատակը այլ հետազոտական հարթության և մեթոդաբանական դիրքորոշման անհրաժեշտության հիմնավորումն է։ Նման մոտեցման դրսևորումներից մեկը պատմական երիվույթների ուսումնասիրության տարբերակված սկզբունքն է, որի բացակայությամբ (մեթոդաբանական գիտակցության մակարդակի վրա) կարելի է բացատրել այն հանգամանքը, որ պավլիկյան շարժման երկու և կես դար տևող պատմությունը, որի ընթացքում այն բազում գաղափարական, քաղաքական, ռազմական և այլ կարգի փոփոխություններ է կրել, որակապես տարբեր փուլեր անցել, վերլուծվում էր միևնույն հետազոտական տեսանկյունից։ Իսկ քանի որ պահպանված տեղեկությունները միշտ չէ, որ հնարավոր էր մշակել միակողմանի, ապա դա հանգեցնում է փաստերի ոչ համարժեք և միտումնավոր մեկնաբանությանը, իսկ մյուս կողմից՝ ներսից խարխուլում գաղափարախոսականացված մեթոդաբանական կաղապարը։

Հետազոտական պրակտիկայում այդ ամենը հանգեցնում էր էկլեկտիկության։ Դրա ապացույցներից է, օրինակ, այն, որ գիտնականները մի կողմից բնորոշում են, որ պավլիկյանները մասնակցել են հայ ժողովրդի ազգային-ազատագրական պայքարին, թույլա Գազիացու հակաֆեոդալական հակակայսերական և Բաբելի հակախալիֆայական սոցիալ-ֆալաֆալական հակաֆեոդալական ապստամբություններին, իսկ մյուս կողմից՝ օգնել են պատկերամարտ կայսրերին եկեղեցու հավակնությունները զսպելու գործում<sup>39</sup>։ Այսինքն՝ պավլիկյանները մասնակցել են տարբեր, հաճախ հակաբնույթ պատմական գործողությունների։ Բացի առաջին կետից, մյուս թվարկած գործողությունները համապատասխանում են իրականությանը, սակայն դրանք վերաբերում են պավլիկյան շարժման որակապես տարբեր փուլերին և հիմնականում պայմանավորված էին բյուզանդական կայսրերի վարած քաղաքականությամբ։

<sup>38</sup> Ն ի կ է փ ո Ր Պ ա տ Ր Ի ար ք. Համառոտ պատմություն, էջ 740։

<sup>39</sup> Տև' ո ն ա ն' Է. Յ. Липшиц. Павликианское движение в Византии в VIII и первой половине IX в.—ВВ, V, 1952, с. 55—56, 58, 63; Ս. Բ. Հ ա կ ո բ Յ ա ն. Հայ գյուղացիության պատմություն. Երևան, 1957, էջ 511—513; Ս. Մ ե լ ի ք-Բ ա խ շ Յ ա ն. Հայաստանը

## К ВОПРОСУ О ПЕРЕОЦЕНКЕ ПАВЛИКИАНСКОГО ДВИЖЕНИЯ

Доктор филос. наук К. А. МИРУМЯН

## Резюме

Еретические движения, в том числе павликианская ересь, в советской историографии рассматривались как специфическая форма классовой борьбы. В статье на основе новой методологической установки показывается, что оперирование социологической методологией как универсальным исследовательским инструментарием затеняет многие стороны исторического процесса и мешает их адекватной оценке. На фоне концептуального освещения этапов развития павликианства и на основе нового «прочтения» первоисточников и научной литературы показывается необходимость дифференцированного подхода к каждому этапу движения. На примере событий 748 г. (восстание Григора Мамникояна и «участие» в нем павликиан) и 752 г. (захват Константином V приграничных городов Мелитены и Карина—Феодосиополиса и «депортация» павликиан на Балканы) показывается несостоятельность оценок, существующих в арменоведении. В частности обосновывается, что 1) павликиане не сами решили принять участие в восстании, а примкнули к нему по указке византийского императора; 2) грабеж имущества и насилия, учиненные павликианами над восставшими на харарами, в данном конкретном случае ничего общего не имели с классовой борьбой; 3) судьба восстания была предрешена не расколом, возникшем в руководстве восставшим, а пагубными действиями павликианских отрядов. Относительно событий 752 г. показывается, что в отличие от других в данном случае имела место не депортация, как принято считать, а добровольное переселение по просьбе самих же павликиан. В статье проводится мысль, что во взаимоотношениях павликиан с империей и халифатом определяющим фактором была политика византийских императоров

VI:—IX դդ. Երևան, 1968, էջ 235—240; Գ. Տ. Խրլիպյան. Հայ սոցիալական իմաստասիրության պատմություն. Երևան, 1978, էջ 365: